

五誥解提要

謹案五誥解四卷宋楊簡撰簡有慈湖易傳已著錄昔韓愈稱周誥殷盤佶屈聱牙宋儒如祖謙書說亦先釋周誥而後及虞夏商書蓋先通其難通者則其餘易於究尋簡作是書惟解康誥以下五篇亦是意也簡受學於陸九淵好舉新民保赤之政推本於心學又當字說盛行之後喜穿鑿字義為新奇之論措辭亦迂曲委重未能暢所欲言然如康誥言惠不惠懋不懋則歸於君

身照念旬時則疑孔傳三月為過久酒誥厥心疾狠指  
民心而言召誥顧畏于民若謂民愚而神可畏如若險  
洛誥公無困哉謂困有倦勤之意皆能駁正舊文自抒  
心得至如先卜黎水用鄭康成顧彪之說封康叔時未  
營洛邑用蘇氏書傳之說復子明辟之訓誥圻父薄違  
之句讀用王氏書義之說又能兼綜羣言不專主一家  
之學矣此書世久失傳文淵閣書目作一冊焦竑經籍  
志作一卷朱彝尊經義考以為未見今從永樂大典各

韻中按條薈萃唯闕梓材一篇餘皆章句完善謹依經  
文前後釐為四卷乾隆五十年三月恭校上總纂官紀  
昉陸錫熊孫士毅

五言

卷之二



國家圖書館. NATIONAL CENTRAL LIBRARY. TAIWAN. R.O.C.

五誥解卷一

康誥

維三月哉生魄周公初基作新大邑于東國洛四方民  
大和會侯甸男邦采衛百工播民和見士于周

大司馬九畿之籍方千里曰國畿其外方五百里曰  
侯畿又其外方五百里曰甸畿又其外方五百里曰  
男畿又其外方五百里曰采畿又其外方五百里曰

宋 楊簡 撰

國家圖書館 NATIONAL CENTRAL LIBRARY, TAIWAN, R.O.C.

五言  
衛畿又其外方五百里曰蠻畿又外曰夷畿又外曰鎮畿又外曰蕃畿侯甸男邦采衛之百官播率其民和悅各以其事來見于周士與事同音古者同音之字多同義猶舜典聖即疾音詩節南山節即截音

周公咸勤乃洪大誥治

五服之人遠來勞勤周公咸撫勞之勤猶勞也孔安國曰因大封命大誥以治道蘇氏曰以上皆洛誥文簡編脫誤也

王若曰孟侯朕其弟小子封

若順也順為道逆非道殷周以來常言發端多用此周公以王命告而其實皆周公之言故曰孟侯朕其弟小子封康叔成王叔父孟長也於諸侯為長臯陶亦自稱朕古者人臣常稱康叔周公之弟封名惟乃丕顯考文王克明德慎罰

賞善罰惡為治大端賞不及善罰不當惡則人心大不服矣明德顯用有德者

不敢侮鰥寡庸庸祇祇威威顯民

有功庸者顯庸之宜祇敬者祇敬之宜威懲者威懲之賞善罰惡如此民皆知之是謂顯民顯者明著也用聲造我區夏

岐周在西方文王施德政諸夏咸服之三分天下有其二區區也廣及諸夏故曰區夏

越我一二邦以修我西土惟時怙冒聞于上帝帝休天乃大命文王殪戎殷誕受厥命

怙依賴也凡在西土諸國諸民皆賴文王而安故上聞於上帝冒猶上也休善也上帝善之乃大命文王以戎兵殪殺殷紂文王大受天命雖大勲未集而成於武王

越厥邦厥民惟時叙乃寡兄勗肆汝小子封在茲東土寡兄謂武王武王之為諸侯也常自稱寡人故周公稱之曰寡兄勗者勉也謂武王能遵行文王之道故汝小子封得國于東土也至是益驗東坡之說為是

蓋封康叔時未營洛邑若在洛邑之後始封康叔當言北土不當言東土衛在洛之北

王曰嗚呼封汝念哉今民將在祇適乃文考紹聞衣德言往敷求于殷先哲王用保乂民

今民指康叔新封國內之民言汝不可不祇敬以述汝文考之治也方將之國故曰將紹者繼也服膺有德之言如衣服之在于身此謂以身行德非空言也汝往之本國更廣求殷先哲王之言行殷民必知之

庶可以保乂殷民矣

汝丕遠惟商考成人宅心知訓

商家老成人謂之考造德雖遠在前世當篤志大求其遺訓而觀之也宅心者安乎本心心既安而不起私意則能知古人之訓旨矣禹告舜曰安汝止伊尹告太甲曰欽厥止至文王之教亦惟在宅心蓋人心本靜止而不動喜怒哀樂視聽言動皆其變化如鑑中生萬象而鑑無思為惟動乎私意故至昏亂

別求聞由古先哲王用康保民

別更求所聞自殷而上古先哲王之言行用以治民  
弘于天

既使康叔學文王又使學殷先哲王又學商者成人  
又使別求殷以上古先哲王言行用康保民於是又  
使弘大而學天蓋以三才之道一而已矣有一不與  
天相似則必有未盡乎道宅心之久純粹精一則能  
合乎天矣蓋此心即道故舜曰道心文王不識不知

即無思無為之妙孔子曰夫孝天之經也地之義也  
民之行也又曰禮本於天又曰禮本於太一又曰人  
者天地之心又曰心之精神是謂聖變化云為無方  
無體如日月之光初無思為而無所不照故詩云學  
有緝熙于光明易曰日新其德又曰君子行此四德  
者故曰乾元亨利貞諸彖多以天地日月四時為言  
皆所以教人以三才之道本一也違之則失道矣  
若德裕乃身不廢在王命



若汝身之德寬裕廣大則於王命為不廢矣

王曰嗚呼小子封恫瘝乃身敬哉天畏棗忱民情大可見小人難保往盡乃心無康好逸豫乃其乂民

恫瘝痛病也汝身自視當如有痛病也堯舜二典多言咨者咨嗟亦恫瘝之意大禹謨曰克艱臯陶曰兢兢業業詩云戰戰兢兢此繼曰敬哉天畏道善則得之不善則失之也棗輔也天惟輔佑忱誠誠實無偽純實無雜即合天道民心無常善則稱善一失其道

即日生怨小人難保如此天視自我民視天聽自我民聽天命之去來由人心之向背也汝往盡汝心無自安康而好逸豫乃能治乂其民也後人於此疑恫瘝無逸豫之心殆不可以言宅言止也既言宅心安止矣疑與此不合嗚呼此惟自明其心者知之惟克艱兢兢如恫瘝在身則心不放逸忱誠而正直矣恫瘝之心即道心恫瘝戰兢兢乃變化之妙用非動乎意而放逸之謂也康叔雖賢未必如周公之大聖而聖

賢同心故下文曰朕心朕德惟乃知

我聞曰怨不在大亦不在小

微有過失民即怨矣可畏哉

惠不惠懋不懋

惠順也懋勉也汝自覺汝心有不順即改而為順自

覺此心有不勤即勉而為勤無可待也使稍有期待

之心即非決理之至

已汝惟小子乃服惟弘王應保殷民亦惟助王宅天命

作新民

已者今俗言休也凡訓戒多有此言汝能服行惠懋

則能弘大王道可保殷民亦足以助王安定天命矣

定者不復他之也助王作新殷民俾脫舊習乃所以

宅天命也

王曰嗚呼封敬明乃罰人有小罪非眚乃惟終自作不

典式爾有厥罪小乃不可不殺乃有大罪非終乃惟眚

災適爾既道極厥辜時乃不可殺

首言輕罰而併及于輕刑者見輕刑尚當敬明而況重刑乎昔者過誤也終者不改悔也典常道也式敬也言人有小罪非他人使作乃自作不典式之罪其罪雖小而當殺者不殺則他日必為大惡矣其有罪雖大而旋即知悔不終成其事乃因昔災適爾得罪非其本心辜罪至於極是則不可殺時是也以上皆原情定罪

王曰嗚呼封有敘時乃大明服惟民其救懋和若有疾惟民其畢棄咎若保赤子惟民其康乂

如已上所誥一一遵行有敘則民深信而心服矣大明謂深信不疑也君有實德民應如響即勅正而無邪即懋勉而無怠即和順而無乖如有疾病脫然盡失其疾畢棄其過咎若保赤子而安康治乂矣大禹謨曰后克艱臣克艱政乃乂黎民敏德後世士大夫每忽其難者不修實德也惟聖人達此

非汝封刑人殺人無或刑人殺人非汝封又曰劓剕人

五言解  
無或剝削人

至哉聖言孔子曰毋我即此周公告康叔以謂人之常情凡百事皆曰我雖賢者不能免也惟道心無體無我惟有光明照物苟微動乎意即有差失矣道心發用刑殺剝削乃變化如秋冬之霜雪如水鑑之照物無容有意也微動乎意即致怨讟怨不在大聖訓至矣

王曰外事汝陳時臬司師茲殷罰有倫

前所告者切指康叔之心此則告以外事臬條法也當先陳布以示民使民知大法而畏忌也周禮縣刑象之法于象魏使萬民觀刑象司師者司刑罰之官師也司師不分布各司一一皆當得其人也苟非其人不足以言司師此殷國刑罰之法自有倫序治殷民當因用殷法

又曰要囚服念五六日至于旬時不蔽要囚

要囚者獄之囚辭已定而將斷之也服膺思念自五

六日或至于旬時謂至於十日左右也十日曰旬孔安國謂三月簡思其意誠為慎重恐太過不可行行安國之說則服念三月乃斷則終歲僅斷四罪非周公本旨也司師皆得其人皆能審聽囚辭盡心竭誠矣又康叔服膺思念至五六日其於心未能斷或至旬時亦至矣盡矣乃大斷要囚也蔽斷也王曰汝陳時臬事罰蔽殷彝用其義刑義殺勿庸以次汝封乃汝盡遜曰時敘惟曰未有遜事

此章丁寧至于再也尋常法也刑殺皆以義斷不可以就汝封之心孔安國亦以次為就也汝至於一一皆有聲汝盡遜讓而不敢當如此盡遜而猶曰我未有遜事嗚呼聖訓至矣如此誨康叔滌盡胸中有我之意雖纖微不存嗚呼非周公安能及此已汝惟小子未其有若汝封之心朕心朕德惟乃知周公之心周公之德惟康叔知之能知大聖心德宜他人莫及

凡民自得罪冠攘姦宄殺越人于貨賢不畏死罔弗慈  
王曰封元惡大惡矧惟不孝不友子弗祇服厥父事大  
傷厥考心于父不能字厥子乃疾厥子于弟弗念天顯  
乃弗克恭厥兄兄亦不念鞠子哀大不友于弟惟弔茲  
不于我政人得罪天惟與我民彝大泯亂曰乃其速由  
文王作罰刑茲無赦不率大夏

周公前既告康叔以赦宥慎罰可謂詳復矣至此又  
慮康叔一槩寬宥反滋凶惡故又及此數條大惡也

自得罪亦猶前言自作也宄亦姦也冠盜攘奪姦宄  
與夫殺人取貨賢然不畏凡民罔弗慈是不待教而  
誅者也王曰此乃元惡大惡又況不孝不友子不祇  
敬服勤父事大傷父心父不能字養厥子乃疾厥子  
弟弗念天道明顯可畏乃敢弗恭厥兄兄亦弗念父  
母鞠養其弟愛育之憂念之至於哀言鞠子則父母  
可見大不友于弟大言其甚也弔至也至此則非我  
為政之人有不能治民之罪也夫天降衷以彛性與

民民乃大泯亂至於如此數條大惡斷無疑慮當速用文王所作罰法刑之不可赦也蓋此乃不率循大法夏法也彛倫大法斷不可亂治亂由此故聖人謹之

矧惟外庶子訓人惟厥正人越小臣諸節乃別播敷造民大譽弗念弗庸瘵厥君時乃引惡惟朕慙已汝乃其速由茲義率殺亦惟君惟長不能厥家人越厥小臣外正惟威惟虐大放王命乃非德用乂

凡民之不率大夏者尚在不赦而况卿大夫士之子乎庶言其衆兼及訓民之臣也人謂有司兼及官司之長故曰正越及也下及小臣及諸行節者皆官之屬異乎凡民當別播敷教令使皆修謹致民大譽者也其有弗念教令弗用教令瘵病其君反為其君之患害是乃引誘衆人為惡此朕所惡恨者汝當速由此義而速殺之此亦君長之道也蓋以官司之屬下所倣義當尤致其嚴俗以不和協為不相能今若

與家人及小臣及凡在外官司正長不相能惟用威虐大放棄王命乃非以德又治康叔必不至此而富貴易於放肆微動乎意安保其末流不至此乎亦猶禹戒舜以無若丹朱傲

汝亦罔不克敬典乃由裕民惟文王之敬忌乃裕民曰我惟有及則予一人以懌

前言非德用人乃致戒汝亦罔不克敬典也典常也汝既克敬典當嚴於修身至於臨民則當用寬裕舜

御衆以寬孔子曰居上不寬吾何以觀汝雖敬典又當學文王之敬忌也文王小心翼翼不聞亦式不諫亦入不識不知順帝之則此文王之裕民敬忌也裕民雖同初有聖賢之異周公之心召公猶不盡知則文王之心康叔宜勤於學惟進德疊疊而至於曰我今幾及文王矣則予一人為之悅懌也

王曰封夾惟民迪吉康我時其惟殷先哲王德用康又民作求矧今民罔迪不適不迪則罔政在厥邦



爽者明之甚也迪行也吉善也時是也適從也君上躬行則民吉善而康安民心不善則亂根本於君身孔子曰為政以德譬如北辰居其所而衆星拱之又曰其身正不令而行其身不正雖令不從自古人君知此者寡或知之而不甚明汝若明知民行則吉康我不躬行則彼何由吉康我是惟殷先哲王之德是用康乂民為務求務也康乂民之務在乎行德而已不在乎他周公前使康叔往敷求殷先哲王用保乂民今應前言殷先哲王德即文王德用者行其德也自知我用殷先哲王德如魚飲水冷暖自知用之一字說出聖賢躬行之情我用德即所以康乂民也矧今民無有躬而不適從者汝不躬行則無政矣王曰封予惟不可不監告汝德之說于罰之行

予惟不可不監于古言監則監古可知予監往古善否治亂故告汝德之說與罰之行如前治以德為本其施行慎罰為重務賞之有差利害猶輕罰不當罪

則善無所勸惡無所懲沮善長惡為害甚大

今惟民不靜未戾厥心迪屢未同爽惟天其罰殛我我其不怨

當時三監及淮夷畔民不安康曰予復反鄙我周邦也周人東征罪人斯得其曰不靜者叛雖定而其心猶未定也戾至也取麗字音義麗者附著也故有至義行者未定至則定矣故戾亦有定義書疾為聖詩截為節則麗與戾同也屢有施行存撫教告之而殷

民猶未齊同亦有未心服者非文王武王周公德未至以紂惡所染凶徒間有未服未同于衆我明知人事所成即天命所至殷民之叛即天罰殛我我不敢怨也夫叛者常情必怒羣凶黨惡思所以屠戮之而周公不怨方且歸之於天略無怨心今康叔臨殷民宜同此心也

惟厥罪無在大亦無在多

魯隱以不學不明而遭弑鄭昭以不學不智而出魯

閔以不禁公傳奪卜齏田而卜齏賊之梁伯以好土  
工而亡國

矧曰其尚顯聞于天

況罪惡明著上聞于天禍即至矣

王曰嗚呼封敬哉無作怨勿用非謀非彛蔽時忱丕則  
敏德用康乃心顧乃德遠乃猷裕乃以民寧不汝瑕殄  
事不詢謀切勿遽用事雖尚謀又不可求之過而失  
彛常之道非彛不可用也既不用非謀又可用非彛

於此慮康叔莫知所適從故周公教之惟斷以忱誠  
之心大哉忱誠之心乎忱誠者不過人所常有誠實  
之心而已孔子謂忠信大道正以明此也即此忱誠  
之心以往即天則是謂丕則由此心以行事親自孝  
事長自弟與朋友自信於夫婦自別於民自愛於萬  
事自能可可否否謀慮曲折允當即此忱誠之心不  
勞作意而無體無方無限量外物自莫能轉移澄然  
虛明而變化云為萬善皆備則於德豈不益敏乎嗚

呼惟大聖人則能如此善教也周公尚慮康叔於此未大明又教以康乃心康者和平之謂和平即忱誠之心也顧者省觀也賢者德未至於大成舊習或間之恐或蔽而不覺故使之顧省又曰遠乃猷者前言祇適文考用殷先哲王德又由古先哲王又弘于天可謂遠矣有一不合于古不合于天猶為未盡道恐其或忘之故又曰遠乃猷則前旨復明寬裕則民寧盡遵公言則王不瑕殄汝矣過小則瑕疵罪大則殄

絕比詰亦嚴矣


王曰嗚呼肆汝小子封惟命不于常汝念哉無我殄享明乃服命高乃聽用康乂民

肆故也承上所言故天命不常凡人對語至詳暢時間有此類無我殄謂無殄棄遺忘而失道我所志在道也明謂天明福善禍淫甚明也享明亦猶克享天心享有奉意乃服受天命聽我所詰與凡聽人之言高則不早如前所詰皆高卑之分聖賢所自知非訓

釋所能解古聖學天服周公之訓則知之矣而高乃  
聽即遠乃猷申言之用此以康人民也

王若曰往哉封勿替敬典聽朕告汝乃以殷民世享

此皆丁寧申諭



國家圖書館, NATIONAL CENTRAL LIBRARY, TAIWAN, R.O.C.

五誥解卷二

酒誥

王若曰明大命于妹邦

妹邦紂所都今因餘民所居使康叔昭天之大命也  
無失德則為昭明

乃穆考文王肇國在西土厥誥毖庶邦庶士越少正御  
事朝夕曰祀茲酒

宋楊簡撰

愍者致謹戒慮庶邦謂隣國諸侯心悅誠服而聽命者文王告諭戒慎之及于庶士越及也少正其次者御事其下者朝夕諄諄告曰惟祀乃用酒

惟天降命肇我民惟元祀

古始惟大祀用酒小祀猶不用酒

天降威我民用大亂喪德亦罔非酒惟行越小大邦用喪亦罔非酒惟辜文王誥教小子有正有事無彛酒越庶國飲惟祀德將無醉

老成蒙被文王德化自不酣酒惟後生小子亦有正長有御事每告戒之使無常飲酒及屬後之庶國咸戒以惟祀乃飲雖祀飲必以德將無醉

惟曰我民迪小子惟土物愛厥心臧聰聽祖考之彛訓越小大德小子惟一

文王惟曰我民但施行於後生小子意謂老成已無慮惟小子尚可慮惟教小子使藝黍稷惟土物愛則其心善矣臧善也今農民大體朴質此其驗也使小

子聰聽祖考之彛訓及凡小德大德必當使之純一  
無得二三文王能使後生小子皆純一不可二三此  
一德雖大而德不容有二不純一於善則變為惡矣  
妹土嗣爾股肱純其藝黍稷奔走事厥考厥長肇牽車  
牛遠服賈用孝養厥父母厥父母慶自洗腆致用酒  
康叔及羣臣善心固純一妹土之人亦當嗣繼爾股  
肱羣臣之純善種藝黍稷奔走事父兄農事畢乃始  
牽牛服賈以孝養父母父母有慶事則躬自洗潔腆  
厚用酒以養

庶士有正越庶伯君子其爾典聽朕教爾大克羞者惟  
君爾乃飲食醉飽丕惟曰爾克永觀省作稽中德

因誥康叔而庶士之正長與大夫之庶伯長在焉因  
顧而言曰爾則常聽朕教矣羞者養也爾謂康叔  
養老者君之職也養老則宜使之飲食醉飽是惟養  
老用酒明其餘則不可也我大思惟曰惟爾能永永  
觀省於已也作行也稽考也中德修身治國惟本中



德堯舜三王惟傳中德何謂中德人心自善自正自明自神惟起意則差則偏則倚則失中平平庸庸惟無動乎意則無不中由此而行曰作慮其或昏而差不覺起意生過故嘗考察之曰稽康叔有中德則禮樂刑政庶務咸熙中即一即彛即忱即丕則即宅心即天道

爾尚克羞饋祀爾乃自介用逸茲乃允惟王正事之臣因前言祀茲酒此併明孝祀孔子曰所重民食喪祭祭禮發於孝孝心無所不通即中德可以感人善心茲亦惟天若元德永不忘在王家

能從上所訓則有元德天必順若在王家亦永不忘爾德也元德即中德之純全者

王曰封我西土棊徂邦君御事小子尚克用文王教不腆于酒故我至于今克受殷之命

棊輔也徂往也腆厚也西土之隣國服從者為輔棊之邦我西土往昔輔棊邦君下至於御事小子尚克

遵用文王教不厚酒故我至於今克受殷命其本原  
因不腆於酒也道二是與非而已矣常情而觀腆酒  
似無大害然自古惟祀乃用酒列聖維持無敢寬縱  
者以能昏人為淫為縱皆酒發之能不腆酒則不昏  
不縱不淫而為善為正為治萬善隨之故克受天命  
王曰封我聞惟曰在昔殷先哲王迪畏天顯小民經德  
秉哲自成湯咸至於帝乙成王畏相惟御事厥棊有恭  
不敢自暇自逸矧曰其敢崇飲

天顯福善禍淫甚明然天視自我民視天聽自我民  
聽民之所欲天必從之民之所惡天必棄之故殷先  
哲王畏之也迪者行其所畏也非空言而不行故曰  
迪畏經謂絲之經直而無二經之一言說出德惟甚  
明哲明也明者人心所自有惟多昏故為非僻今能  
秉執明哲常明不昏則德性常明哲即德即天即合  
小民之心咸皆也自湯至帝乙皆成王道皆畏輔相  
大臣置咸字于中者古文之常惟哲王乃畏相畏相

即文王之敬忌即經德秉哲雖御事凡輔棊小臣皆  
恭敬不敢自暇逸矧敢崇飲

越在外服侯甸男衛邦伯越在內服百僚庶尹惟亞惟  
服宗工越百姓里居罔敢湏于酒不惟不敢亦不暇惟  
助成王德顯越尹人祇辟

前言御事厥棊小官故此又言百僚庶尹宗工尊官  
老成有德餘亞次皆所服從宗工必不腆于酒皆助  
成王德至於顯著及尹人皆祇敬法辟前已言庶尹

而此又言尹人者總宗工而言也言百姓里居者與  
尹人皆祇法也餘亞次可知也

我聞亦惟曰在今後嗣王酣身厥命罔顯于民祇保越  
怨不易誕惟厥縱淫泆于非彝用燕喪威儀民罔不盡  
傷心惟荒腆于酒不惟自息乃逸厥心疾很不克畏死  
辜在商邑越殷國滅無罹弗惟德馨香祀登聞于天誕  
惟民怨庶羣自酒腥聞在上故天降喪于殷罔愛于殷  
惟逸天非虐惟民自速辜

上文既言殷先哲王之罔敢崇飲及臣工之罔敢湏于酒此又引紂之以酒亡國為康叔明其大戒也嗣王謂紂也謂之今後嗣王者紂雖亡而其事若在目前也紂以沉湎為樂則終身于酣飲而已其所施之命令亦如醉語嚙語罔能以明顯之德及於民也保者守而不遷之意紂以罔顯之命施于民保守于心下民皆怨咨而紂猶不知改易也誕大也紂以剛愎之性大縱其淫泆恣為亂常之事習而安焉喪其威

儀所謂望之不似人君也紂之所以至此者以不知明命也明命即道心失其道心則無所不至矣其端甚微可不戒乎民見紂之荒腆于酒也其心盡傷怨之至而傷心也其所以傷心者以其荒腆不息惟圖自暇逸也推其疾狠之心不畏亡國死喪之戚實見商王有罪雖滅亡而無所憂也上言商邑下言殷國互文見意言有罪在商邑之王其宄乃喪其國也夫國之所以能久長者以馨香之德上聞也今下民疾

怨之聲羣以荒酒之罪聞于上天使天欲不降喪其何愛于殷而任其荒逸乎人言天非虐待于殷民心既去自速其辜也天視自我民視觀茲益信

王曰封予不惟若茲多誥古人有言曰人無于水監當于民監

不惟若茲多誥言上文所述殷先哲王後嗣王之事非徒述其成事以垂訓誨而已欲康叔實體于身念念不忘也水監以別狀貌不若監于民以占向背夫

民心疾狠願殷國之滅亡而天之降喪曾無所顧愛則民情當監宜古人之垂戒也監字有照視意鑑字亦從監古人比心如鑑則可以察物無遺當於民監言此心無私曲無偏執惟以下民為監視也

今惟殷隆厥命我其可不大監撫于時

今殷既隆命果如民言則我其可不大監于民以撫于時時是也此也意指今天下也

予惟曰汝劼毖殷獻臣

五言解  
劾有用力之意，必致謹當竭力，謹慮戒諭，殷之賢獻之臣，殷獻臣須當收用，而漸染紂化，其勢恐不能全免于酒，故必劾之。

侯甸男衛矧，太史友，內史友，越獻臣，百宗工，矧惟爾事，服休服采矧，惟若疇圻父，薄違農父，若保宏父，定辟矧，汝剛制于酒，厥或誥曰：羣飲，汝勿佚，盡執拘以歸于周，予其殺，又惟殷之迪，諸臣惟工，乃泐于酒，勿庸殺之，姑惟教之。

侯甸男衛隣國交際，至於殷獻臣及隣國邦交，尚且劾，況于本國之太史、內史、君之所友及賢獻之臣，百宗工、侯國之尊官皆近君之臣，士民儀表，其可不劾，必乎？又況爾御事或服休美之事，或服采而多事，皆有官君子，其可不劾，必乎？又況于爾之朋儔，圻父、司馬、征伐、違道、農父、司徒、順若、保民、宏父、司空、審定法、辟皆所以治人者，可不求自治，而或不劾，必乎？汝既剛制于酒，厥或告曰：有羣飲，汝勿致其逃，佚盡拘。

執以歸于周予其殺以其間有大臣故歸周歟又有  
習殷之舊惟殷之行迪行也此殷諸臣非大官或酒  
于酒則勿殺之姑教之若前言殷獻臣收用者則不  
在此例

有斯明享乃不用我教辭惟我一人弗恤弗竭乃事時  
同于殺

周公所以誅管蔡者用此義也立君為民不可用私  
情

王曰封汝典聽朕恣勿辨乃司民酒于酒

恣謂致謹之教也辨即徧音勿容司民之官皆酒于  
酒康叔遵誥必不至司民徧酒于酒

梓材 案梓材篇解永  
樂大典原闕

周公朝至于洛則達觀于新邑營越三日丁巳用牲于郊牛二

郊特牲后稷配天不用羊豕祀天無雜

越翼日戊午乃社于新邑牛一羊一豕一

祭法厲山氏之有天下也其子曰農能殖百穀夏之衰也周棄繼之故祀以為稷共工氏之霸九州也其子曰后土能平九州故祀以為社郊特牲云社稷太牢孔安國云社稷共牢而王制云天子社稷各一牛

而此社於新邑牛一羊一豕一先儒謂祭社必及稷荀子曰社祭社稷祭稷王制雖漢儒所成當亦有所據依豈古昔自有異禮歟

越七日甲子周公乃朝用書命庶殷侯甸男邦伯厥既命殷庶庶殷丕作太保乃以庶邦家君出取幣乃復入錫周公曰拜手稽首旅王若公誥告庶殷越自乃御事嗚呼皇天上帝改厥元子茲大國殷之命惟王受命無疆惟休亦無疆惟恤嗚呼曷其奈何弗敬



冢君即邦伯言冢君則諸侯不皆用幣禮從長伯耳  
禮不主於貨錫周公者以公攝政也曰拜手稽首旅  
王若公東坡云旅如庭實旅百之旅孔安國云召公  
指戒成王而以衆殷諸侯自乃御事為辭謙也周禮  
太祝辨九擗注云空首即拜手頭至手稽首頭至地  
又有頓首頭叩地簡思頓首有至意稽有久義若拜  
手不至地於心未盡敬頓首至地稽首至地久也越  
及也自御事而上包言公卿大夫矣元子謂天子指

紂也敬之一言實為治道之大堯舜曰欽哉禹曰克  
艱湯則慄慄文王則翼翼武王則夙夜祇懼周公曰  
無逸臯陶曰兢兢業業益曰儆戒無虞伊尹曰欽厥  
止又曰其難其慎召公與周公熟講治道惟此一言  
而已矣人心即道心惟放逸則失之以敬治道心為  
治之大

天既遐終大邦殷之命茲殷多先哲王在天越厥後王  
後民茲服厥命

殷先哲王及厥後王後民皆服天命無違皆言不為  
無道故不違天

厥終智藏瘵在

賢智者隱藏瘵病者在位謂之瘵者今俗言人有不  
善曰有病痛

夫知保抱攜持厥婦子以哀籲天徂厥亡出執

夫意謂皆也夫人皆知保抱攜持其婦子哀痛呼天  
其徂往亡逃而出境者則執之

嗚呼天亦哀于四方民其眷命用懋王其疾敬德

用懋謂太王王季文王武王懋即敬德周公行即歸  
政故召公勉成王敬德

相古先民有夏天迪從子保面稽天若今時既隆厥命  
今相有殷天迪格保面稽天若今時既隆厥命今冲子  
嗣則無遺壽考曰其稽我古人之德矧曰其有能稽謀  
自天

迪行也行則通不行則阻礙而不通天行從順如愛

其子而保安之也夏殷哲王面觀天象思所以順若  
之天因乎人人君順天故天所子曰天子格至也來  
也行之使無屯蹇又來保安之天迪格保即從子保  
更易其辭爾其義同也既用老成人又稽古人之德  
况曰其有能稽諸天蓋言思謀順天則法天道而行  
則不識不知純誠清明大矣哉

嗚呼有王雖小元子哉其不能誠于小民今休王不敢  
後用顧畏于民若王來紹上帝自服于土中旦曰其作

大邑其自時配皇天苾祀于上下其自時中又王厥有  
成命治民今休王先服殷御事比介于我有周御事節  
性惟日其邁王敬作所不可不敬德

誠者言足以咸感小民本乎誠德也民信之今善矣  
王不敢後者不敢怠惰勤於德也用顧畏于民若者  
民愚而神撫我則后虐我則讐可畏如岩險王能畏  
之也服者有所自也今邑於洛洛居地之中王今來  
土中服行德政自此紹承上帝矣又引周公言為証

天道無他正而已矣孔子曰人者天地之心人不暇  
逸無作好無作惡則可以配天苾者致謹也上下包  
天神地示羣神人鬼孔子曰所重民食喪祭祭禮觀  
人之敬孝敬孝者即道心故治務重祭也時是也自  
是居中又治天命於是成王治民合于善矣御事亦  
羣臣通稱王先服殷御事之心近能介助于我有周  
御事聽命服勞矣比近也邁往也往近也亦行也意  
謂殷士尚爾况王乎

我不可不監于有夏亦不可不監于有殷我不敢知曰  
有夏服天命惟有歷年我不敢知曰不其延惟不敬厥  
德乃早墜厥命我不敢知曰有殷受天命惟有歷年我  
不敢知曰不其延惟不敬厥德乃早墜厥命今王嗣受  
厥命我亦惟茲二國命嗣若功王乃初服嗚呼若生子  
罔不在厥初生自貽哲命

四不敢知言其可畏之甚恐懼之辭也今王嗣受命  
當嗣其功功者正也道也若辭也凡人事所成皆曰

天命天命明哲皆人自修致之故曰自貽

今天其命哲命吉凶命歷年知今我初服宅新邑肆惟王其疾敬德王其德之用祈天永命

今天知我初親政事命哲命吉凶命歷年皆自此始也肆故也故王當疾敬德王用德則天命永久祈天永命只在敬德

其惟王勿以小民淫用非彝亦敢殄戮用乂民若有功其惟王位在德元小民乃惟刑用于天下越王顯上下

勤恤其曰我受天命丕若有夏歷年式勿替有殷歷年欲王以小民受天永命

舜常也淫逸而過也王勿以小民過作失常之罪遂敢於殄戮用此嚴刑治民也召公恐成王心中或作此見故言及此以防其未然天立君以司牧斯民王視之宜如子不得已用刑豈敢作怒舜御衆以寬罪疑惟輕孔子曰不教而殺謂之虐曾子曰上失其道民散久矣周世世修德德化流行而嗣王勤修德教

亦不可後若欲有功惟在王居德之元元者德之至德之大必配天斯為德元王在德元則天下之民乃則象而儀刑之也越及也及王德譽彰顯凡上下君臣皆當謹而無怠恤民而無暴我受天命當如有夏歷年之數又勿替有殷歷年之數式又也更也仲虺之誥云式商受命盤庚云式敷民德君奭云我式克至于今日休多方云天惟式教我用休畢命云式化厥訓立政云式敬爾由獄又曰茲式有慎其義皆又

也更也車有較有式車之前上一橫木曰較下一橫木曰式平時手撫較致敬則手至式式第二橫木故有再義即又也更也天視自我民視天聽自我民聽天永命于小民小民離則天命去矣  
拜手稽首曰予小臣敢以王之讐言民百君子越友民保受王威命明德

召公言讐言民欲王之恐懼大誥黜殷威命也王非從威實用明德王黜殷而亂定即天命保受王威命明

德在民臣爾羣臣勤恤小民民臣協順則永保無違  
王末有成命王亦顯我非敢勤惟恭奉幣用供王能祈  
天永命

明德不失則王終有成命成者無虧也王德譽亦顯  
我非敢勤極其謙卑也因奉幣供王贊王能祈天永  
命上既稱王則繼言祈天永命即謂王也公稱王能  
祈天永命即所以勉王

五語解卷三

五誥解

卷四

洛誥

周公拜手稽首曰朕復子明辟

復即孟子有復於王者之復周禮宰夫待諸臣之復  
大僕掌諸侯之復逆復謂奏事也辟君也明辟稱成  
王尊敬之辭

宋楊簡撰



王如弗敢及天基命定命予乃肩保大相東土其基作  
民明辟

初議遷都成王如弗敢遽然蓋幼冲之年其質又謙  
柔也周公於是繼承贊輔大相東土王自此基始作  
民明辟矣成王初親政即天初命定都即定命也人  
事所成即天命王如弗敢及天基命之時而遂定其  
命有疑或未敢之意

予惟乙卯朝至于洛師

即召誥乙卯周公朝至于洛時召公已命庶殷攻位  
有衆故曰師

我卜河朔黎水我乃卜澗水東瀍水西惟洛食我又卜  
瀍水東亦惟洛食佯來以圖及獻卜

召誥序曰成王在豐欲宅洛邑使召公先相宅則知  
是已卜河朔黎水不吉矣此篇方稱我卜河朔黎水  
乃叙及已前事召誥曰太保朝至于洛卜宅厥既得  
卜則經營乃以庶殷攻位于洛汭則已卜澗瀍之間

洛水之北矣而此乃曰我乃卜澗水東瀍水西惟洛  
食者亦敘前事也周公使召公往卜亦可言我也孔  
安國曰我使人卜河北黎水不吉又卜澗瀍之間孔  
意亦謂使召公爾鄭康成謂殷民懷土憚遷故先卜  
河朔黎水不吉乃卜洛顧氏亦用其說按史記武王  
初定洛邑而洛誥周公先卜河朔黎水者公未敢遽  
違殷民懷土之情歟孔安國謂卜必先墨畫龜然後  
灼之兆順食墨又卜瀍水東將定下都遷殷頑民遣  
使以所卜地圖及獻所卜吉兆來告成王簡據洛誥  
之文則又卜瀍水東其召公併卜歟或周公至洛而  
併卜歟或周公至洛而始卜歟然皆本于周公之命  
也伴使也書序云成王欲宅洛邑使召公先相宅作  
召誥召公既相宅周公往營成周使來告卜作洛誥  
成周既成遷殷頑民周公以王命誥作多士觀書序  
及書未見王城成周之為二左氏乃有王城成周之  
殊孔子作經必不如左氏之數更其辭以為文而已

蓋周初瀍水東西皆曰成周至春秋時始分瀍西之城曰王城瀍東之城曰成周孔子因魯史而書昭公三十二年敬王使富辛與石張如晉請城成周曰昔成王合諸侯城成周以為東都然則瀍水之東成王周公之時已城之矣杜預云子朝之亂其餘黨多在王城敬王畏之徙都成周周紀或為東周說韓王曰西周故天子之國多名器重寶

王拜手稽首曰公不敢不敬天之休來相宅其作周匹休公既定宅佻來來視予卜休恒吉我二人共貞公其以予萬億年敬天之休拜手稽首誨言

周公雖歸政而成王尊敬不替曰匹休又曰我二人共貞亦相與有成之意也休美也恒久也可長久故吉王請公誨以言

周公曰王肇稱殷禮祀于新邑咸秩無文予齊百工佻從王于周予惟曰庶有事今王即命曰記功宗以功作元祀惟命曰汝受命篤弼丕視功載乃汝其悉自教工

孺子其明孺子其朋其往無若火始燄燄厥攸灼敘弗其絕

公曰王始舉盛禮祀于新邑其舊文所無者亦皆秩而祀之肇始也稱舉也殷盛也予整齊百工使從王于周予惟曰庶有施行之事意其必善而今王即百工而命曰當記功于宗廟以功作元祀意謂功德積累其大者得列于元祀盤庚曰爾祖其從與享之謂配享也又命曰汝受命篤志弼我其意嚮篤厚如此

今我大閱視爾記功載籍而所記者乃悉汝所自教之官皆汝私人受教於汝者非我所齊百工也於是周公乃訓責成王曰孺子其有朋黨乎孺子惟與爾朋往乎無若火始燄燄其所灼已有次敘而弗能止絕乎其朋雖未至於姦惡而與周公異趣矣此放逸之漸不可長也

厥若彛及撫事如予惟以在周工往新邑佯嚮即有僚明作有功惇大成裕汝永有辭

舜平常也其平常無事時及臨事時皆當如我在周時百工也蓋此百工皆齊周公所精擇不可棄也今往新邑使嚮有官僚者即就用之明察其有功而作之作進用也宜惇厚寬大以成寬裕之德蓋慮成王不知周公所齊百工之善而輕苛責之教王寬厚有容則永有譽

公曰已汝惟沖子惟終汝其敬識百辟享亦識其有不享享多儀儀不及物惟曰不享惟不役志于享凡民惟曰不享惟事其爽侮

周公知成王未明曉知其必為百辟諸侯所惑羣臣多周公所擇而諸侯皆仍其舊雖文王武王德化丕變而滅國五十知不可訓誨者亦多罪不至於滅者亦未皆誠心於善故有享上多儀而誠不及物者易曰言有物謂誠實也儀不及於誠謂之實不享上可也以其不用心志于享上不享上儀雖享上凡民皆曰不享此等不誠之人明明是相侮是謂爽侮周公

善形容小人情狀謂此等人惟專事爽侮今俗謂之對面相侮弄蓋邪正之分率於誠不誠見之凡民皆知豈王者而不知

乃惟孺子頌朕不暇聽朕教汝于棊民彝汝乃是不覆乃時惟不永哉篤敘乃正父國不若予不敢廢乃命汝往敬哉茲予其明農哉彼裕我民無遠用戾

孺子惟頌賜朕不暇聽朕教汝輔民彝性之道汝乃若是不明是不永哉言天命必不永也輔民彝之道

公與成王講之熟矣君天下者厥職輔民彝性而已無他事也歸政以來必申明素教而成王復有未明故又言民有常性本善惟上之人左右之使善者知所勸惡者知所懲而已今成王所記功乃自教之官雖非姦惡然非周公所齊百工周公所用者成王所不記則善者亦無所勸姦惡有可進之萌則民之常性將亂矣王者當輔之今反亂之正父正人之老成者故司馬曰圻父司徒曰農父司空曰宏父亦明老

成周公所用多老成汝宜篤意敘用之凡正父無不  
順予也若順也言與周公同道正父亦不敢廢汝命  
乃汝也君命臣行義也正父必遵義恐成王者疑畏  
正父或不從命故周公云汝往新邑敬哉茲予其辨  
明篤切哉農厚也篤厚也即洪範農用八政之農彼  
正父能寬裕我民汝無遠之而與之乖戾

王若曰公明保予冲子公稱丕顯德以予小子揚文武  
烈奉答天命和恒四方民居師悖宗將禮稱秩元祀咸  
秩無文惟公德明光于上下勤施于四方旁作穆穆迓  
衡不迷文武勤教予冲子夙夜毖祀王曰公功棗迪篤  
罔不若時

若順也自殷周以來開端多用王若曰足以明順道  
而亦有別於更端特異其辭之義後言退即辟于周  
則知成王方至洛邑而言故更端曰公明保予冲子  
謂公保護我教誨明白故曰明保公所稱說者大顯  
德也以用也見於施行也以予小子順文武之德而

揚其烈以此奉答天命恒久久和四方民故能使衆心安定師衆也居者止而不去也衆心不離也醇厚宗廟及禮將及也稱舉元祀有秩序不亂雖舊典無文於義當祀者咸次敘祀之惟公德明光于上下蓋習聞公素講而用其言自古諸賢習聞德有明光之說而不知實有明光者此明德之光惟可自覺誠自信如日月如水鑑無所思為而光明畢照然則奚止至于上下亦臨照四方也衡平也逶迤也言將平也予沖子惟夙夜致謹祭祀必致謹也其餘皆公之所為公之功也此一節惟深感謝周公之功德教誨良久又曰公之功在乎棊輔我迪行篤切無不若是時是也茲周公責切篤至成王心服言公素教無不如此

王曰公予小子其追即辟于周命公後四方迪亂未定于宗禮亦未克教公功迪將其後監我士師工誕保文武受民亂為四輔



命公後者為周公立後謂封伯禽於魯也言予小子往洛邑即當行封建之禮蓋以公之去留為重也四方雖已迪治其亂而周之宗禮不定則無以垂法後也恐公之大功亦未能救寧也公惟以典禮為治垂于後世以為士衆建功者之監則可大保我文武治民之輔佐矣四輔舊說為四維之輔惟周公足以當之周公作官禮史不詳其何時以書考之當在洛邑告成之後也

王曰公定予往已公功肅將祇歡公無困哉我惟無斁其康事公勿替刑四方其世享

王既留公以定禮又言公能成其前功則執事皆知祇歡而相與以有成也言祇歡而先以肅將言准事以敬舍敬無以集事也公無困哉漢書作公無困我言公毋以我而告困也困者倦勤于事之意成王所以受周公忠誨者祇在無斁周公所以儀型四方者止在弗替蓋成王能知周公之心體備于身君以無

數為本下有弗替之功是君臣之極盛也其世享承上命公後而言

周公拜手稽首曰王命予來承保乃文祖受命民越乃光烈考武王弘朕恭孺子來相宅其大惇典殷獻民亂為四方新辟作周恭先

周公既承王命因上述祖考之德祈王開基于後世也民為文王受命之民惡可不思惠保乎武王末受命其所以貽于後王者以能充夫我恭敬之心以保

民為輔相也王今相宅既定將考定典禮撫殷遺民為四方新主矣其所以承先業裕後昆者不外乎恭蓋堯舜所以為後世帝王之法者惟以恭為本故周公屢以為言

曰其自時中又萬邦咸休惟王有成績予旦以多子越御事篤前人成烈答其師作周孚先

周公良久而再言故書曰自是居土中而又治多子謂周公比肩在朝諸賢及小官御事因前人已成之

烈而篤守之以此答其衆師衆也篤者篤守前人之德故能守其成烈而不失也惟篤其德故以之答其衆心所望為周孚信之先因前者成王疑周公故此言孚以默感成王之心王今信矣及孚先助明公心以堅王心

考朕昭子刑乃單文祖德伴來寔殷乃命寧

刑法也單畫也觀朕所以昭示子之法乃畫文祖德使王來新邑致謹于殷地殷民則天命寧矣寔致謹也即禹克艱臯陶兢兢之意

予以柎鬯二卣曰明禋拜手稽首休享予不敢宿則禋于文王武王

周禮有鬱鬯有柎鬯柎黑黍黑黍為鬯酒柎鬯不和鬱金者卣中尊不用鬱鬯周公以臣禮降等歟惟以精明禋祀不在牲物上言篤前人成烈又曰單文祖德繼言此明禋于文王武王又曰不敢宿又曰休享言致其善享即前言告成王之善善無二孔子曰孝

弟之至通於神明光于四海無所不通周公明禋文  
武用堅明訓凡祀必先齋今公不敢宿亦敬也聖人  
心常精一雖不齋如齋他人則不可繼言惠篤敘無  
有違自疾則知禋文武齊堅明訓旨

惠篤敘無有違自疾萬年厭于乃德殷乃引考王倂殷  
乃承敘萬年其永觀朕子懷德

公告王當惠順篤志凡百有敘而無亂無自構成其  
疾也使萬年厭足于汝德言洪德備足流澤萬年則

此新邑之殷乃長久有成引長也考成也王當使殷  
之臣民奉承有敘不亂至于萬年朕子謂伯禽常與  
成王同處故公因及之意謂公老矣不復永懷王德  
惟朕子永懷王德

戊辰王在新邑烝祭歲文王騂牛一武王騂牛一王命  
作冊逸祝冊惟告周公其後王賓敘禋咸格王入太室  
裸王命周公後作冊逸誥在十有二月惟周公誕保文  
武受命惟七年

春秋魯文公十三年公羊傳曰周公拜乎前魯公拜乎後曰生以養周公死以為周公主禮祭必有賓祭禮君牽牲周禮冢宰贊王牲事意者賓其周公乎自王賓殺禋至逸誥正祭行事也感格謂凡與祭者畢至也孔安國曰自戊辰以下史所終述

五誥解卷四